

精選中外時務文編

精選中外時務文編卷四十四下

外洋

荷蘭國志

荷蘭國其地在歐羅巴之西北隅也緯線自赤道北五十二度起至五十四度止經線自中華北京局西面有十度起至百有十二度止東界日耳曼南接比利時西北距北海長七百里闊四百三十里總計之方七萬里戶口四百八十萬地勢坦夷在歐羅巴中最高卑隘低窪荒澤不可勝數海潮盛至每多衝決之虞民間多築崖岸以為隄防河道甚雜至長者曰士加爾達謬塞唎因湖之大者曰哈爾林海地壤膏腴農民勤耕而沮洳汾澤之間開墾為田者甚少至於國位歷代相傳繼統者維男以長幼為序無子立嗣無嗣立女昔時乃野番部落後為日耳曼人所據嘉慶時法取之爰立酋長統率其眾法內亂作諸酋蠢動擁地自立土遂瓜分為十有七國後有酋長并兼歸一立為侯國明時海水猝漲氾濫於地居民盡為所淹屋宇湮沒靡遺數百里間幾成水窟潮退積水滙為一海即哈爾林是居民當水潦之後極力經營閱數百載生齒繁滋完富勝於疇昔明初為奧所取奧君傳位於西班牙王王東國鈞減賦以悅民志令入天主教有遵耶穌教者則積薪以焚之誅殛數千人慘毒倍至荷人憤怒震烈舉兵以叛遂廢其君官吏皆被驅逐分通國為七省自設州牧綜理國政互結盟約咸不相統屬如是者二百餘載乾隆時為法所侵伐國遂設法王以封其弟自是荷遂隸法之版圖迨法王拿破崙喪師荷乃得恢復故土立故王之裔後取比利時合為一國凡有政事王不得專皆大臣哲士為之籌畫焉道光十年比利時人叛絕和好變亂滋生不歸統轄自立為國荷莫之能禁亦聽其分建矣道光十九年居民製火輪之器轉換其

機日取哈爾林之水使水漸竭通來海水幾涸可望為田約三十萬畝 全土分十一部曰北荷蘭都城
曰倫斯特坦建於河濱水中架以巨木上築樓閣層軒曲檻以河道為街衢其製甚奇世罕觀焉宮闕衙
署固不峻麗學校醫院靡弗具備誠稱一時之壯觀昔為歐土都會之最大者曰南荷蘭首城曰海華乃
國王建都之地來甸設立書院制度環瑋凡名儒碩彥明道達理之士咸會萃於此蓋人文之藪也屬邑
曰鹿特坦城堞甚為鞏固達衢開廣廬舍峻整海船巨艘隨在可通曰西蘭北巴啦班烏特立給德蘭德
倫兩威立塞哥羅凝倫斐里斯蘭靈堡別有一區曰盧森堡入日列國互結盟誓在此向有堅營於地近
因荷王願購於法蘭西皇普王不喜將恐與法構釁大英勸和現已毀營平定土產畜牲蘇茜草滑石鐵
煤

日耳曼列國志

日耳曼列國在歐羅巴之中緯線自赤道北四十五度起至五十七度止經線中華北京偏西九十六度
起至百有十六度止東界奧地利普魯士西接荷蘭法蘭西南至瑞士以大利北連巴爾提海長二千里
濶一千八里總計之方七十五萬里戶口四十五百萬其地北方平廣坦夷砂磧綿邈數澤居多南有高
原曠野餘皆岡陵峻峭絡繹不絕河之長者曰威塞爾多腦易爾北湖亦眾多氣候互異北則沮洳潮濕
寒熱無定南方平和煦嫗舒暢宜人濱地膏腴樹木稠密菓花豐茂園林幽雅風景清美遠客多來遊玩
至於朝綱國政前分諸部或君臨御王或公侯攝理或設官宰治今具全土合於一國華稱德國也古
為歐羅巴大國五方之民雜處羅馬時征服四方日耳曼雖歸統屬尚未盡入版圖法蘭西興有王名甲
里曼者攻滅日耳曼諸部土地人民全為收服地隸法版者百有十載後國人叛法立酋長根拉的為王

自是各王並不世代傳俱為衆所推立元初奧地利酋長羅德福為王能服衆由此子孫繼緒不殫於人
明時日益強盛聲威四播幾與羅馬代興康熙三十九年自部各王不相臣屬奧地利并恭坐大普魯士
拓地稱雄兩國皆著名譽不復稱日耳曼遠迤以西所餘隙地法蘭西拿破侖以兵脅之皆降後八年拿
破侖敗各得爵土嘉慶二十年會議於維也納議定日耳曼列國各守疆界互相結盟一切政事集衆會
議靡有參以私見時各派公使一員皆駐法蘭西總帥一人國國各公舉奧地利人為盟長他國不敢當
也文字言語各國皆同同治五年普與奧戰普權衆得土地甚多有衆小國諸部皆屬於普與皆不得主
之現普設法易王為帝而統日耳曼為一國同治十年日與法相戰甚迫至終大勝奪法二省亞撒西勞
來因而隸於其中 通國分二十六部其中有四國一普國別行序述一曰巴威里亞在東南方都城曰
慕尼克街市華潔居民善造細皮清瑤玻時辰表名播四方一曰薩索尼為適中之地銀鑛衆多都城曰
德勒斯得中有博物院畫圖極富刻像經籍靡甚更有一城名每參製磁器不亞於中國亦有一城名弗
雷堡其中有諸鐵礦明時有士生於此曰路德本為天主教士後離而立耶穌教又有大邑曰來比細克
每歲設市三次諸國商賈雲集其地書籍鐫刻最精文字著作悉備一曰瓦敦堡都城曰斯都德牙以上
三國皆為王爵更有上公之爵攝理者六部一曰巴丁都城曰加斯盧峰巒秀出風氣清華為日耳曼國
之最一曰黑西都城曰達摩斯達一曰梅略梭堡一曰薩克斯各堡顯達一曰亞敦堡一曰梅擬認都城均同名一
密都城皆同名更有公爵攝理者五部一曰薩克斯各堡顯達一曰亞敦堡一曰梅擬認都城均同名一
曰不倫瑞克一曰安哈忒都城曰德騷一曰阿敦堡都城同名又有侯爵攝政之七部一曰留士分大小
二部大曰哈勒斯小曰給拉都城皆同名斯瓜斯堡有二部曰盧德斯達曰孫德厚森都城同名一曰里

卑有二部曰德摩的都城同名曰燒問堡都城曰不給堡一曰模爾德都城曰阿羅森此外尚有三城為商賈萃聚之地自推殷戶為官司理事不隸王侯一曰卑堡在易爾比河口各國五市之地一曰不利絢通商在威塞爾河濱一曰路伯克更有二地乃普在同治十年自法所奪而隸於日一曰亞撒西與普來因合為一部異於他部不能自主而被京都議會諸大臣所轄有又貿易製造甚多其中有城曰墨特斯有營壘鞏固又有斯特拉斯堡中有大教堂四方著名以上二營本為法國至要之壘有軍兵戍此甚衆惟日與法攻時奪之歸其下至今新築炮臺而更為甚固南有寄爾馬有事鐵貿易土產五金鉛水銀寶石花紋石礮礮磁器等

普魯士國志

普魯士在歐羅巴之中緯線自赤道北四十九度起五十六度止經線自中華北京偏西九十三度起至百有十度止東至俄羅斯北界巴爾提海日耳曼南及奧地利日耳曼法蘭西西接日耳曼比利時荷蘭長二百四十里濶一千三百里總計五十萬里戶口二十七百二十萬地勢東北平坦砂磧土磽雨時泛濫低窪之區西南岡陵高原間有叢澤田土膏腴氣候溫和夏暖冬寒潮淤眾多河之大者西曰萊因東曰易爾比府爾維士都位 至於朝綱王位臨御歷代相傳子孫繼緒古時為北狄所據宋時為日耳曼人征服立為別部後為坡蘭得養并明時日耳曼復取其地普人奉職忠謹日主悅之屢益以地康熙年間乃自王其國其王長於韜畧節衣儉食帑藏豐盛歷代嗣君雖遭兵戈之苦然皆能自守嘉慶十年法蘭西割其境土普遂弱越六載普民不悅法政思其故主王因民之怨也糾合諸國攻法法師潰而棄地普復故土至道光二十年非的利克即位即今之王也王修國政勤農事設學校惠商賈由是百姓親附

鄰民皆嗚嗚慕義遠為西土顯國其制民及歲者工入肆秀入學否則罰其父母年二十以上男丁皆入
伍學藝三年放歸每歲秋操閱施賞罰故其國兵多而強同治元年本國與奧共攻丹國得其三地越四
年普與奧不和大相戰鬥普獲勝在日耳曼列國中為盟主其地皆屬於普今修其各城池統歸其下同
治十年普與法相爭而後大勝至和協之時即奪其二地又受其重賂見日與法國下志 通國分東西
兩土共有十四部其東隅一曰巴郎丁堡沿河水澤通流草木暢茂製造磁器勝於中華鐵器燦若金銀
物精價廉遠方咸來貿易都城曰百爾靈有孫子院武藝院醫院軍器局靡勿壯觀宮室廟宇甚屬峻麗
署整潔邑之華美於斯為盛更有波的斯但法郎佛忒在荷德河之邊一曰坡美拉足其北近海沙浮出
琥珀民用之造寶玩物件會城曰斯特丁河流深廣海船可通帆檣雲集貿易繁盛一曰細累細亞會城
伯勒斯勞百工畢集文儒萃焉一曰薩索尼與日耳曼牙錯會城曰瑪提堡壘高池深屢捍大敵又有城
威丁堡昔為天主教所掌明時路德出於此立耶穌正教遂毀其祠宇一曰普魯士故土會城曰哥賓斯
堡空濶難守但錫克海口貿易甚繁又有麥末爾城多出木料一曰坡森本坡蘭地普與俄奧瓜分得之
會城同名街市寬廣一曰惟斯法利亞土田肥沃林木茂盛民織麻布善造火腿售於各國會城曰關士
得一曰萊因其上沿河傍山會城曰哥羅尼貿易繁盛製香水極佳舟楫往來如梭所屬本城有大書院
蓋百田百工萃處突爾最美之城有教堂一座極大美麗造至六百年甫成街寬市廣其下山水清秀遠
客常來游玩民勤紡織一曰黑森拿騷都城曰法郎佛忒在美因河之邊一曰勞因堡都城同名一曰查
德第士都城曰維亨沙分一曰和恨所倫都城曰黑真恩一曰斯勒斯維革吳斯敦本為丹國所屬被布
奧所攻而隸於普部之中都城曰亞多那海口名幾爾一曰哈諾威本為自立之國康熙五十三年有五

名若耳者治值犬英嗣位無人英之臣民招若耳治奉以為王子孫承繼哈諾威歸其統屬及道光十七年嗣位無子英立維多利亞為君主至今在位哈諾威自立為國惟同治五年普與奧相戰哈諾威辭不助普而悅奧故普勝奧之後即奪其國王之位而降為部落隸於普土下產銅鐵綢絲布磁器穀木

奧地利國志

奧地利在歐羅巴之中緯線自赤道北四十三度起至五十一度止經線自中華北京偏西九十二度起至百有八度止東北至俄羅斯普魯士而接瑞士日耳曼南界土耳其以大利長三千里闊一千五百里總計之方八十五萬里戶口三千八百萬其地峻嶺矗起峰巒迴環冰雪凝積歷久不消餘平原兼有沙磧深林密菁頗有可觀藪澤淤下氣候溫和甚宜人物田土膏腴穀粟豐登湖河廣多沿流灌溉河之大者中曰多瑙支流紛岐舟船絡繹迤北與西南隣國支流甚眾湖之大者曰不祚敦西南曰加大哥真至於朝綱皇帝臨御歷代相傳男女皆得踐祚惟以長幼為序政由自主漢時為羅馬所征服越四百載為北狄所據及唐法蘭西取其地立為別部元初日耳曼有酋羅得福者攻獲奧地各部推立為王稱為東國疆土褊狹無大權越數十載歷代嗣君邦基漸廣創業垂統漸與隣邦姻婭相通是以附近各地多為所有嘉慶九年其國君甚至進爵為帝雖曾被法蘭西君拿破侖攻克占據過半至嘉慶十九年兩國議和惟和蘭仍自為國其前失各地盡行恢復現為日耳曼列國中最為強富推大國焉咸豐九年本國有法蘭西撒丁二國攻戰法撒得勝取倫巴第之地屬於撒王同治二年與普共攻丹國得其屬地越四年與普戰大敗不得與於日耳曼列國之中亦失其地歸於以大利通國分為三土曰日耳曼地奧地故土也曰匈牙利曰波蘭地後來之所割也奧地利之日耳曼地分十部一曰奧地利改上下兩部都城

曰維也納王宮華麗殿堂規模宏敞織造萃聚街市喧闐女人姿質風流儀容秀美又有書院藏書七萬冊一曰薩爾斯堡一曰地囉里會城曰音斯不囉克一曰士的里亞會城曰加拉德斯一曰加宜阿拉會城曰來八海口曰的里斯德為地中海大埠頭其地山洞千餘深邃長短曲直靡弗備具景象美麗古怪奇異最多鍾乳石天然生成垂懸空際內有一洞人行可通二十里為湖所阻人未嘗探其奇也一曰波希米為奧之上壤有泉水靈異可以療疾居民善造玻璃器織麻呢細布會城曰巴啦加內設書院藏書籍萬冊習文藝者千餘人一曰摩啦惟亞會城曰布倫曰細累細亞會城曰特勞堡其奧之匈牙利為波民貌似蒙古人古為匈奴部邊徙至此宋時立國稱雄一時久而寢衰明李女主嗣位配奧王為夫婦時匈奴牙利為波蘭土耳其攻侵皆賴奧兵力退敵保疆遂挈國合於奧幅員大於奧雖為奧轄不服王化立自理法近奧強服大相戰爭奧強服大相戰爭奧敗績請兵於俄羅斯求其來援征服匈始隸版圖傾心歸向其地分六部一曰匈一曰斯拉縛尼一曰哥囉亞西一曰布大一曰達郎西瓦尼會城曰克路森堡一曰碎維安會城曰低末斯法一曰邊疆南界土耳其其各農練為壯勇鎮守疆域土人來侵則衝鋒突陣一曰達瑪細亞地形狹長田土磽瘠不足於耕民多捕魚會城曰撒拉土產麥麵五金水銀最富寶石磁器毛呢牲畜等其奧地利之波蘭地舊分二部一曰加里細樹林叢雜熊狼居之獵戶殺之而獻其皮官給以價其土鹵可煎鹽民惟務農會城曰梭卑各一曰布哥維納本土土耳其地奧割得之因波蘭故附之會城曰撒仰維支其民長於貿易雖隸於奧而自有首政以上二部後歸一國名加里細土產穀木鹽

土耳其國志

土耳其在歐囉巴東南緯線自赤道北三十九度起至四十九度止經線中華北京偏西四十七度起至一百度止東及黑海瑪爾摩拉海西連亞得亞海奧地利南枕希臘及希臘海北至奧地利俄羅斯長廣均二千餘里總計之方五十萬里戶口一千萬其地勢南方海灣四凸島嶼羅列東北平原廣坦沮洳蕪澤頗多中央山巖險峻勢甚綿亘若斷若續山南草木向榮競茂嬌媚有致河湖甚多河之大者曰多腦支派分歧又瑪黎薩湖之大者曰拉塞音日尼御氣候溫和四時咸宜惟穢氣薰蒸人觸之多病疾田土膏沃穀菓咸宜 至於朝綱國位歷代相傳政由君出地分中央東西三土中東在亞西亞西在歐囉巴古時悉屬羅馬唐初亞喇伯取中東二土五代韃靼里人攻取亞西亞之西全國至歐率兵戰勝驅之及成吉思強服元初有土酋阿多曼招集衆人肇造邦國即以己名名之傳至其子闢疆日廣至裔摩哈麥具梟雄之姿取君士但丁為國都三土全歸統轄此後歷代嗣君侵阿非利加之北亞喇伯海濱歐囉巴之東南復自內作色荒外弛武備稱亂國焉嘉慶時王竭力修政然民橫亂東隅之衆多不翼戴王室中土猶強應其役西土接踵而起日尋干戈南土分裂歸於希臘外藩亦隔絕不通聞問且與俄戰俄其圍其都城國幾亡英法為之議和而罷後埃及總督叛之自主未知君薨道光十九年其子嗣位即今在位之君也禮賢納士由埃及總督矯命求援於英法俄惟割其數屬予督督遂修貢於土名近日匈牙利有軍士數人逃此俄與欲強釋之土君不從賴英法之助俄與不舉兵侵伐然尚圖報復也咸豐三年俄羅斯侵奪其地賴英法相助後三年乃議和光緒三年俄與土屢次交戰俄終獲勝後歐諸國大臣集於日京共商土國議定而分其版圖或自立為主或仍歸本國見下文 通國分九部曰羅美里亞古為馬其頓德來斯二土都城曰君士但丁乃京都也城垣高大殿闕巍巍城外海港深廣商賈輻輳歌舞樓台連營

接棟風景美麗序醫院書庫浴室歷弗具備萬厦雲連各國使館在馬多瘟疫火災所轄亞得利字成
有古殿閭閻周敞撒羅尼加為商賈互市之地曰布加喇亞會城曰梭斐亞建於河濱設堡周備以禦戎
軍曰阿百尼亞在海濱民喜聞掠會城曰日尼俾曰帖撒利會城曰拉利撒地近希臘口有隘卡聲名遠
播古波斯與希臘相繼其後歐囉巴禮儀漸勝於亞西亞其外有數部如下 一曰羅馬尼亞會城牙西
一曰塞爾菲亞會城曰別甲的池深城固曰波斯尼亞合土耳其哥囉阿西亞為一鑄刀劍為良會城曰
波斯那細來一曰保斯尼呀及黑西哥歸奧土曰坡加利亞曰蒙的尼哥會城曰摩斯達一曰東羅美亞
仍歸土國以上數部時被虐主狃制羣凶縱橫殘剝度民民不堪其苛政屢行背叛并力攻拒土君不能
征服與之議和今或自立一牧以理庶政或自立為國得避土王之虐政俄帝時而垂顧撫綏納貢稱藩
於土焉又有干地亞島在地中海四周一千六百里外平坦中險峻海濱田疇甚沃海口漸為淤淤商船
多為所阻古為名勝後為土王攻取之至埃及總督叛土政島歸督主其民多崇希臘天主教近時叛土
耳其構釁甚多至今尚未平靖土兵大勝民多徙居希臘土產烟葡萄羊毛銅鐵錫鉛礬礦紋石橄欖油
等

論土國財政弊端

土耳其銀行總辦尾五善多氏奏陳該國財政情形曰自千八百九十年來土國歲入金幣約千七百萬
磅而歲計不足者約不下百萬磅且陸軍糜用頗多在諸衙門耗費之上比之各船行政費則實當百之
六十七蓋萬國未見之例也然則如此冗費最宜節約又文武官營私之弊尤當力矯雖國庫空匱實由
官吏過多而陰計也私利雖然是未可遽歸咎於軍輩也何則土國政府給俸之不循定章亦為官吏營

私之原夫土廷不給俸祿已歷七八月而猶欲其持節清廉非酷而何也自今以後宜一律給俸清白自汰冗官是為要務他如專廢賣烟之制增抽關稅之道即應為之一端土國財政不舉蓋與其政制相為關繫亦可以觀其概矣

論土耳其情形

歐洲列國逼土耳其更改弊政而土耳其政府頑冥不動列國合議未出一途蓋各邦利害不同遂致此也聞歐洲六強國公使約一箇禮拜二次或三次開會集議援以為例然其所議極為秘密雖書記官不准預列場中故外間不知其合議何事也今驟有所聞持論頗確云此乃使臣會議之要意蓋謂土皇若不從列國公使所呈土皇更改之案而懈怠行事則列國宜別有處置之法也然列國利害互異故合約未能出於一途即英法俄三國於罷斯福爾海峽要區亦各存意見矣罷斯福爾海峽實為土國之關門也列國合約未全立妥而列國以為已成乃欲逼土國使納其更改之案是為列邦會議土事之現在情形也各國使臣欲得土皇回音待之頗久乃土皇又另起別種更改案稿諮之於列國公使公使等即斥之且逼以實行更改之事其為更改故所需糜費列國將假與之意者土皇能從此議則土國面目且將一變而財政亦漸收其效也土國內知此議之善者亦不為寡然土皇左右之臣為其不便於己故每沮止焉列國公使等亦頗費苦心欲革退此等細人今則既得其方且將見諸實事也

論土耳其軍艦

二月其國無能作為蓋眾目所共睹項希土不睦土國將調一軍艦以防變而該軍艦底有牡蠣叢生堅牢不能搖動乃移艦于船渠將蠣壳剝脫事尚未畢會有某國商船駛至彼國請進渠內修葺以有土國

軍艦現在是處不能如意遂賄以英銀二十五磅以動其心土國官吏乃退已軍艦于渠外而准某商船進于該渠任其修補焉土國軍政不振多如此類矣又聞該國軍艦瀝罐或有至十二年之久而不修補者則其無用也可知耳

革雷得志畧

革雷得又名剛低西亞土耳其之一島也居民二十七萬五千從西來者二十三萬四千從回教者三萬八千從猶太教者三千革雷得上語作克黎特或作機黎特所屬各地曰加內曰剛低曰埃提摹曰伐幾亞曰拉斯依得剛低為會城又名美加婁各斯投居民一萬二千駐總督一人希臘教主教一人以土產富庶論此島殊非要地境之廣闊亦如法國地中海之高爾塞亞一島耳已開道路共計不過十二畝羅邁當地脈三分之一皆石田大半荒蕪未經耕種民情亦懶然歐洲南面阿洲北地之貨運於此島者極盛島中有平原長五十畝羅邁當寬七畝羅邁當不等產大麥最多若盡力耕之所產當加十倍島中多棉桑產樹膠極佳蜂蜜葡萄酒出於衣打丁巔甚著名土貨中以橄欖油為大宗多運銷於奧法兩國又以油在島中造肥皂加內有肥皂廠二十所剛低亦有廠數十處奶餅木料山口者亦甚多出口貨每年約值五兆或十兆佛郎不等橄欖油居其大半人口貨約值出口者三分之一耳島中政制係一千八百六十七年所定越數年島人與土王重訂之所立章程土國政府不能廢由島自主地分五大部二十三部有總督一員每五年一易又巡撫一員若總督為西教人則巡撫必為回教人兩相更易五部各有官土語曰逆特薩衣夫均由兩教人中參半選之各小部之官則西教人例應多於回教凡官事文牘皆用希臘土且其兩國文字詞訟須操兩國言語然總聚會議則用希臘語一千八百九十七年定立大

小訟院二十九所商賈訟院一所審事官與行政官權分事晰而不相涉島中養兵二十五人以島人充之費由土國發給島中入疑半歸土國政府半用於島中工程用缺則土國補之

革雷得交涉情形

當十八百二十一年希臘不堪其本國土耳其之虐政興兵獨立與土國相鬥者累年遂得假援於英法俄至二十七年即成其志以脫土耳其其之羈勒矣邇來國運勃興雄心奮發竊有窺伺革雷得島之意當千八百五十九年及六十六年該島作亂乃私贈兵器槍彈而援助之客歲五月該島又亂乃又贈兵器槍彈募義勇軍而應援然恐有列國環視不易成其宿志乃姑收其羽翼而藉作爪牙以待機會之至遂致有此等之事或曰希臘之援助革雷得蓋由其言語宗教相同又有鑑於己國不堪土耳其之虐政而獨立也又豈有他意哉嗚乎此不通事理之言也蓋希臘本熟察該島往事而又留心於今日之事知其人民或有欲獨立者或冀與希臘合而為一者於是希臘之素志不能自己自謂機會在於此間即擲其國帑死其兵士亦將必成其志也然欲以革雷得入希臘本非革希兩者所能為而全繫在歐洲列國之意如何也

西班牙國志

西班牙在歐羅巴西南隅緯線自赤道北三十六度起至四十三度止經線自中華北京偏西百有五度起至百有二十八度三十分止北與法蘭西比斯加灣接壤東距地中海西界葡萄牙南為大西洋地中海瀝流之所長二千里廣一十六百里總計之七十三萬里戶口一千七百萬其地勢峰嶺重疊自東方至西其勢蜿蜒北方崎嶇錯雜溪澗交流中央之地高原平廣餘則山川秀麗陵谷間田野綿亘氣候不

齊北冷中熱南方酷暑如蒸卑下淤溼田畝甚高雨澤鮮降民多牧羊以為生海濱風景清淑羊馬驍獍
矯健而良多產嘉果勝於他國湖水微細河道不一西曰斗囉塔沽斯南曰瓜達畿菲瓜低安東北曰厄
波囉 至於朝綱歷代相傳男女皆得臨御按其國之初五方之人雜處為加達額據漢時羅馬征服之
越三百載為北敵所侵唐時回人侵擾而據其地僅餘亞斯都里部內有侯伯拉約興師大國推立為王
子孫繼緒漸延邦土得地分建數國歷七百年後因回人自不相睦叛者蜂起至明成化十五年女主衣
撒伯贊非多難遂將諸部合而為一女主遣其臣可倫波拓亞墨喇加諸部銀礦甚多據太平洋之呂宋
建設埔頭帆檣鱗集百貨流通之富饒以此至明正德時日耳曼內亂其國王查理第五賢能日耳曼迎
之為王其國立世子非立第二兩國聯為唇齒國益富強康熙時王查理歿無子奧地利王欲立其子法
王欲立其孫舉兵互爭後為法之非立第五所得代與英法構兵而勢衰嘉慶十三年法王拿破侖所據
立其弟為君英吉利葡齒牙合兵攻之遂拿破侖弟立故王世子非多難歿後無子立幼女衣撒伯即位
總政其外設官二等會集公議治理國事 通國昔時分為十三省近則改為四十九部曰新加斯德中
之地沙磧高燥現分五部曰瑪德里首城亦以此名乃京都也宮殿宏整廟堂峻麗內有學署醫院觀
土堂畢功厥古玩庫樂庫庫內有古館瓜達拉薩多勒多固盈加九達嚟曰舊加斯德山原相聞現改八部
曰瓜達拉薩多勒多固盈加九達嚟曰舊加斯德山原相聞現改八部
建海濱泊舟最穩商賈輻輳為西北大埠頭巷口有炮台極堅巔額向陵塞奔德菲得啦曰加拉
魯大曰瓦梭薩現分三部曰瓦梭薩城建平原街衢修整屋宇峻麗市廛之中肩摩轂擊有大書院肄業

衆多並利利為東國大埠頭如斯得倫曰木爾西分二部曰木爾西亞巴西的曰亞拉岡山嶺重疊寒煖
迴殊現分三部曰撒拉歌撒普威等處血斯加德魯曰納瓦毗連法蘭西仍為一部曰亞斯都里境負大
山民居巖谷農作甚勤仍為一部名荷維多曰加達羅尼現分四部曰巴爾塞羅那城建海濱次之京都
貿易昌盛為東境第一埠頭達啦歌那勒黎達其羅納曰比斯加分三部曰比斯加會城繁盛總聚羊毛
之地給不斯孤城建山麓為北境之管鑰屋宇炮台靡不具備嘉慶時為法蘭西所侵擾變為灰燼事後
乃復其初亞拉縛曰額斯德瑪多改二部曰達若城建河右極為堅固加塞勒斯曰安達羅西氣候炎熱
水土平良現分八部曰加拉那達舊為回回王都稱南方大都會亞美喇亞瑪拉加城建海濱泊舟最穩
貿易繁盛為南方大埠頭曰塞菲里城建平原豐饒為南土之主烏厄模加的斯城大而堅建於海角著
名西土為通國第一埠頭哥多法南境又有日巴拉大為地中海門戶大英築堅城於磐石上建炮台設
營兵已百五十年矣其外有五島曰瑪惹架米諾架呷爾們德加卑勒壹維薩合為一部名巴利亞里土
產穀集絲綢鹽五金水銀最富硝砂浮木牲畜等

西班牙亂耗

西班牙國屬地古巴呂宋等相率起事未能平定國帑盡於內大兵屯於外而頗多兇黨島情形亦甚不
佳重以內憂將起於蕭牆頗覺危懼先是千八百七十二年弄加羅斯七世欲居西班牙王位而不遂其
志迨亞兒佛緒七世登極爾沙尼拉太后攝政弄加羅斯方謂繼承大寶當在吾身遂目幼主為篡奪王
日位待好機會矣且始里士多黨人不棄前日之忠有意再謀起事常屬聚披連爾士山
悍見稱其徒自揭竿為義舉蹈湯赴火且不解焉若一旦徒黨勃興則西班牙政府不知出何策以弭亂

矣

葡萄牙國志

葡萄牙在歐羅巴之西南緯線自赤道北三十七度起至四十二度止經線自中華北京偏西百二十三度起至百二十六度止東北界西班牙西南距大西洋長一百二十里總計之方十三萬里戶口四百五十萬壤地褊小環境皆山絕少平坦之地河皆發源西班牙由此入海湖之大者曰隆加巴砂氣候互異西北溫潤和東南炎熱田土膏腴農墾耕作然五穀百果歲必大稔林木叢茂至於朝綱男女皆得臨御其國初為西班牙西境唐以前事之始末政之變更皆與西同宋時加斯德拉克王具臣英黎給功高德厚裂土封之以盧西達尼數城為其采地使尚公主封以伯爵其子襲父職大敗回人斬拓邦土民推以為王是為立國之始歷代以來征服回部邊疆日擴版圖漸廣有賢王曰以馬努利立法制嚴防守國稱大治子約翰與西班牙通婚姻四境又安倉儲充實英黎給嗣位無子西班牙乘勢兼并歸於一統越六十年西政貪殘葡人不堪倒懸逐其守土之吏復立故王支派嘉慶初法蘭西王拿破侖侵伐不能捍禦王遂棄國攜其眷屬出奔巴西迨拿破侖為英軍所敗王乃歸國尋卒世子留王南亞墨利加之巴西兼王葡人民謂王貪兩地不協輿情乃自王巴西道光十八年遣幼女瑪利亞歸王葡贅曰耳曼世子為婚夫卒再贅即今在位之女主也先是歐土諸國自開闢至元時自相往來罕通別土人善算數習天文用儀器測量人之出入星躔度數水陸方向遠近明時國王遣善操舟者駕巨艦南行由阿非利加之西境轉而東歷阿非利加之東境抵印度之西境復轉而東至麻喇甲偏歷南海諸島國所至輒留葡人營立埔頭隆慶時抵粵之澳門請地建屋歲納租餉疆臣為之代請許之葡人遂立埔頭於青山

懸之濠境是為諸國通市中國之始後西班牙荷蘭接踵東來法英繼之葡人所立小西洋東南埔頭僅餘澳門一屋今為其所統轄 通國分八部曰額斯德瑪多中央之地首城名里斯奔乃京都也跨山臨水樓台疊起學署書庫觀星台軍功廠靡勿峻麗郊外港通海口泊舟最穩轉輸極盛商旅往來如織周市皆礮台杆衛甚嚴乾隆二十年遭地震甲第廣廈轉瞬之間不遺一遺死者尸相枕籍近乃修復如故曰卑啦首邑名固英巴拉曰亞零德人富庶甲於諸部首邑名厄窩拉曰亞爾加菲首邑名法囉曰斗囉米虐首邑名府坡多為西洋黑酒大埠頭曰達啦蒙德首邑名巴拉干撒其外西南曰亞索利九島在大西洋人民二十萬曰馬德辣島氣候清和水土嘉美地產五金寶石礬礱磁石鹽菓酒等

法蘭西國志

法蘭西在歐囉巴之西緯線自赤道北四十三度二十分起至五十一度五分止經線自中華北京偏西百有八度起至百二十一度止東界日耳曼瑞士西統比期加灣北接比利時英吉利窄海南至地中海西班牙長濶各約三十三百里總計方七十三萬里戶口三千七百五十萬其地東方山巒斷續南隔比利尼斯山餘則卽陵冢落平原甚廣河支匯流其道縱橫河之大者東曰囉尼北曰塞納西南曰羅瓦爾加倫湖曰塞德貨物轉輸悉從水道隨在皆通舟楫有潞洫以蓄洩壤地極腴授田數畝農力維勤氣候不一夏燥冬寒餘則溫和 至於朝綱國位傳於子孫否則公會治理或庶民推舉靡有定制古民之高盧為野番部落漢時為羅馬征服屬以大利西境後羅馬衰亂為北狄日耳曼分據齊時哥維驅羅逐北狄據其全土改國號曰法蘭西是為立國之始至唐大寶時嗣王為民所廢立相北比諾為君賴敏好學奮發有為勵精圖治其子甲利曼有文武才開館舍招致西方文學之士百廢俱興城邑宮室道路制造